

任松如著

中國典籍知識精解

——原名：四庫全書答問

中國歷代書籍，四庫全書集其大成，除因某種情形不加以收錄及存目者外；四庫全書共收錄有中國歷代圖書七萬九千零七十卷，存目九萬三千五百五十六卷。本書即就中國歷代圖書——四庫全書所收錄與存目之書籍及因故未加收錄與存目之書籍，特提出重要問題二百五十八項，一一作以解答，並殿以重要附錄。原書定名為四庫全書答問，於民國十七年出版。茲因孤本僅存，為供讀者能於此書中得以及悉關於中國歷代典籍之重要知識，特易今名，重為印製，以廣流傳。

四庫全書答問卷上

卷上

黃陂任啓珊述
雷紹琯記

問一 何謂四庫全書。

四庫者、經、史、子、集、四部也。四部之書俱備、故稱四庫全書。非謂無書不有、無本不全也。

問二 四部之分、起於何時。經史子集之序、定於何時。四庫之名、始於何時。

四部之名、起於晉初。晉初荀勗與張華、整理政府藏書、撰述目次、分爲四部。

一、甲部。紀六藝小學。

二、乙部。紀諸子、兵書、術數。

三、丙部。紀史記及其他記載。

四、丁部。紀詩賦、圖譜、汲冢書。

經史子集之序、定於東晉。東晉初、政府藏書、混亂無序。李充、刪除繁重、以類相從、仍分四部。

一、甲部。五經之屬。

二、乙部。史記之屬。

三、丙部。諸子之屬。

四、丁部。詩賦之屬。

四庫之名、始於初唐。玄宗時、於兩都、各聚書四部、仍以甲乙丙丁爲次、分經史子集四庫。經

史子集、四大類別、由是確定。四庫之名、亦由是起矣。

問三 全書之名、起於何時、盛行於何代。

全書之名、起於趙宋。盛行於明代。清初、猶沿明代風氣、故用全書之目。

問四 四庫全書之名稱、由何人取定、其書由何機關編纂。

四庫全書之名、由乾隆帝取定。其書由四庫全書館編纂而成。

問五 編纂四庫全書之原因何在。

編纂四庫全書、就表面言、有三大原因。

周永年、先唱儒藏說。提倡集合儒書、與釋藏、道藏、鼎足而三。一因也。

乾隆帝、繼下詔求遺書。令直省督撫學政、搜集名著、彙送京師。二因也。

朱筠王應綵復奏請校辦永樂大典。主張擇取其中散片、各自成書。三因也。

就實際言、則乾隆帝一人之私意而已。

附錄周永年儒藏說

書籍者、所以載道紀事、益人神智者也。自漢以來、購書藏書、其說甚詳。官私之藏、著錄亦不爲不多。然未有久而不散者。則以藏之一地、不能藏於天下。藏之一時、不能藏於萬世也。明侯官曹學佺、欲仿二氏爲儒藏、庶免二者之患矣。蓋天下之物、未有私之而可以常據、公之而不能久存者。然曹氏雖倡此說、採摭未就。今不揣譾劣、願與海內同人、共肩斯任。務俾古人著述之可傳者、自今日永無散失、以與天下萬世共讀之。凡有心目者、其必有感於斯言。

邱瓊山、欲分三處以藏書。陸桴亭、欲藏書於鄒魯、而以孔氏之子孫領其事。又必多置副本、藏於

他處。其意皆欲爲儒藏、而未盡其說。惟分藏於天下學宮書院、名山古刹。又設爲經久之法。卽偶有殘缺、而彼此可以互備、斯爲上策。

竹帛變爲摹印。書之流傳較易。然考歷代藝文、錄存而書亡者多矣。或曰。凡書之不傳者、必其不足傳者也。是不然。尙書周官、殘於秦火。淹中古禮、竟亡於隋唐之際。此皆古聖人傳心經世之要典。豈其不足以傳哉。則以藏之者無法耳。

釋者之書、正僞參半、美惡錯出。惟藏之有法、故歷久不替。然立藏以後、自成一家之言者、初不多見。儒者則一代之內必有數種、卓然不朽之書、可以入藏。釋老之藏、盛於前而衰於後。儒者則代有增益。此亦閉衛吾道之一端也。

或曰。古今載籍、浩如煙海。子之計、是愚公之移山也。曰。不然。天竺之書、遠隔中國二萬餘里。六朝迄唐、西域求法高僧、見於傳記者、不可殫述。况中國之書、固不必遠求乎。明釋正、可以藏經繁重、欲易爲書冊、以便流通。竭力號召、竟成其事。然則吾黨之志、患不固耳。奚其難。

或曰。子欲聚儒者之書、而仍襲二氏之名、可乎。曰。守藏之吏、見於周官。老子爲柱下守藏史。固周

人藏書之官也。二氏以藏名其書，乃竊取儒者之義。今日之舉，豈曰襲而用之哉。

或曰：重而習之，白首紛如。一卷之書，終身不能窮其蘊。又奚以多爲？曰：是不然。孟子之博學詳說，將以反約，不博而約，非約也。陋也。以孔子之聖，猶以好古敏求立教，況其下焉者乎？介甫曰：不盡讀古人之書，必不能明聖人之經。若曰：文足害道，博適溺心。斯二氏之玄談，非吾儒之宗旨也。

鄭漁仲曰：有專門之書，則有專門之學。人守其學，學守其書，人有存沒而學不息。世有變故而書不亡。然何如舉入於藏，使天下共守之乎？且儒藏既立，則專門之學亦必多於往日。何也？其書易求故也。

鄭漁仲曰：辭章雖富，如朝霞晚照，徒耀人耳目。義理雖深，如空谷尋聲，靡所底止。以其未盡見古人之書，故拘於習尚以自足耳。果取古人書，條分眉列，天文、地理、水利、農田，任人所求而咸在。苟有千古自命之志，孰肯舍其實者，取其虛者乎？故儒藏之成，可以變天下無用之學爲有用之學。天下都會所聚，簪纓之族，後生資稟，苟少出於衆，聞見必不甚固陋，以猶有流傳儲藏之書故也。至於窮鄉僻壤，寒門簞士，往往負超羣之姿，抱好古之心，欲購書而無從，故雖矻矻窮年，而限於

聞見所學、迄不能自廣。果使千里之內、有儒藏數處、而異敏之士、或裹糧而至、或假館以讀。數年之間、可以略窺古人之大全。其才之成也、豈不事半功倍哉。歐陽公曰：凡物非好之而有力、則不能聚。儒藏既立、可釋此憾矣。

先正讀書遺矩、亡於明之中葉。高者失之於玄虛、卑者失之於妄庸。儒藏既立、可取自漢以來、先儒讀書之法、編爲一集、列於羣書之前。經義治事、各示以不可紊之序、不可缺之功。凡欲讀藏者、既以此編爲師、斯涉海有航、無遠弗屆。而書籍燦陳、且如淮陰之用兵、多多益善矣。又何患其泛濫而無歸哉。

問六 乾隆帝之私意何若。

乾隆帝對於編纂四庫全書作用甚多。

一關於本身者。康熙時、有雍正與海甯陳氏易子之風說。故後有謂乾隆帝似漢非滿之事。朝野傳流、必有記載之者。乾隆帝欲藉採集遺書之機會、湮沒此類不美之記載。其私意一。

二關於宮闈者。宮闈之亂、至清初而極。雍乾之際、會諭內監等、國家政事、毋許妄行傳說、犯

者正法。以前宮闈狎褻、傳至外間、亦必有記載之者。乾隆帝欲藉採集遺書之機會、湮沒此類不美之記載。其私意二。

三關於宗室者。父子之變、兄弟之禍、骨肉之慘、亦至清初而極。宮中府中、有不得而盡秘者。流傳後世、醜莫大焉。乾隆帝欲藉採集遺書之機會、湮沒此類不美之記載。其私意三。

四關於種族者。清以滿族入主中國、漢人反對、勢所必然。排滿學說、散布民間、爲清廷之大患。乾隆帝欲藉求書之名、行焚書之實。其私意四。

不但此也。滿人智識程度之低、遠在漢人之下。乾隆帝欲集漢人數千年之書、俾滿人得遍觀而盡識、以增加其抵抗力。其私意五。

五關於黨派者。乾隆帝即位以來、鄂爾泰、張廷玉、兩派、黨爭甚烈。鄂爾泰人頗方正、力持大體。張廷玉人略圓通、陰承意旨。帝雖陽排朋黨、然始終實左袒張氏。編纂全書之議起、于敏中極力主張、劉統勳則極端反對。蓋劉得鄂之方嚴、于爲張之嫡派。乾隆帝卒用于議、下詔開館、抑方正而獎圓通。其私意六。

六關於思潮者。乾隆帝對於編纂全書，又具有迎合當時思想界潮流之作用，當時思想界有三大趨勢。

一厭宋學。宋學家空言義理，至明末而厭之者已多。清初標榜宋學者，又多屈事北庭，愈失社會上之信仰。康雍兩朝，雖極力獎勵，而終不能得多士之心。乾隆帝即迎合此潮流，開館編書，以牢籠當時旭日初升之漢學派。其私意七。

二厭類書。類書專供詞章家之採摭，不獨漢學家惡其蕪雜，即宋學家亦鄙其浮華。故當時實爲類書時代告終之期，而進於求讀原書之新時代。乾隆帝即迎合此潮流，彙集原書，以滿足讀書界之欲望。其私意八。

三輯佚書。當時漢學家既一面研究經史，一面考訂古書。此外復將舊類書中散見之各種古書，裒輯成帙，各還原本。故輯佚書之風氣，披靡一時。乾隆帝即迎合此潮流，校辦永樂大典，以收拾當時閉戶著書之學者。其私意九。

七對於明朝者。乾隆帝欲暴露朱明之短。故搜集明代種種失德之記載，使之隨古人名著，

共傳於後世，以永播其惡於人間。其私意十。

八對於清朝者。乾隆帝既一面宣傳朱明之過惡，又一面欲表揚清朝之盛大，使無關輕重之文字，亦得與古人並存而不朽。其私意十一。

九出於好勝心者。唐之藝文類聚、北堂書鈔、宋之太平御覽、冊府元龜、明之永樂大典，皆巨製也。既有康熙帝之古今圖書集成，足以比擬前朝矣。乾隆帝乃欲結集一空前之大叢書，以期壓倒一切。其私意十二。

十出於猜忌心者。當時學人經康雍兩朝慘酷之文字獄，排滿之心較前益烈。乾隆帝既屢舉博學鴻詞以網羅文章之士，又開館修書，以招致著書守道之人，使之耗精斂神於尋行數墨之中，以安其反側。其私意十三。

問七 四庫全書館之組織如何。

四庫全書館之組織法，當時議有單行條例，略述如左。

正總裁、總攬館事，以副總裁襄助之。

總裁之下、有總閱官、總理閱定各書之事。有總纂官、總理編書之事。有總校官、總理校訂之事。有總目協勘官、管理協定全書總目之事。有翰林院提調官、武英殿提調官、管理提取兩處藏書之事。

總纂官之下、有纂修官、分任編書之事。纂修官、又分爲四種。

一校勘永樂大典纂修官。

二校辦各省送到遺書纂修官。

三黃籤考證纂修官。

四天文算學纂修官。

總校官之下、有分校官、分任校訂之事。分校官、除篆隸分校官、繪圖分校官、外、多由纂修官兼任。

繕書處、專掌鈔書之事。有總校官、總理校對脫誤之事、有分校官、分任校對之事。

督催官、專掌督促編書鈔書之事。

翰林院收掌、武英殿收掌、繕書處收掌、分任三處書籍出入之事。

監造官、專任刊刻印刷裝訂整理之事。

問八 先後擔任館職者、共若干人。

自開館至第一部書成、歷任館職者共三百六十人。茲以姓名首一字筆畫多少爲序、列表於左。

館員一覽表

八十	卜維吉	于敏中	于鼎	文英	方煒
方維甸	方大川	毛上京	毛鳳儀	五泰	牛稔文
王中地	王念孫	王受	王朝梧	王慶長	王瑣
王學海	王照	王際華	王杰	王仲愚	王爾烈
王增	王坦修	王春煦	王太岳	王燕緒	王天祿
王嘉曾	王福清	王允中	王汝嘉	王鍾健	尹壯圖

永瑤	永璇	永璉	永清	左周	平恕
石鴻壽	史夢琦	史國華	白瑛	田起莘	安盛額
江璉	任大椿	朱珪	朱筠	朱鈐	朱攸
朱紱	百齡	伊昌阿	伊靈阿	那善	言朝標
何思鈞	何循	何西泰	呂雲棟	吳裕德	吳壽昌
吳典	吳錫麒	吳舒帷	吳鼎雯	吳省蘭	吳蔚光
吳紹浣	吳俊	吳紹昱	吳翼成	吳垣	吳樹萱
吳應霞	宋銑	宋鎔	宋枋遠	余集	沈培
沈初	沈鳳輝	沈孫璉	沈清藻	沈叔挺	沈琨
李元春	李巖	李綬	李汪度	李潢	李堯棟
李奕疇	李鼎元	李廷敬	李蔡	李斯咏	李荃
汪廷暎	汪永錫	汪如漢	汪如洋	汪學金	汪昶

徐秉敬	高域生	孫辰東	倪承寬	俞大猷	紀昀	英翼德	長亮	和珅	金榜	周興岱	汪日章
徐步雲	馬啓泰	孫希旦	倪廷梅	俞廷楡	范來宗	胡榮	門應兆	季學錦	金光悌	周永年	汪師曾
祖之望	馬猶龍	孫玉庭	祝德麟	施培應	范衷	胡高望	明福	邵晉涵	金學詩	周璣	汪錫魁
秦瀛	馬蓁	孫球	祝堃	洪其紳	范整	胡必達	承露	邱庭濫	金兆燕	周鉉	汪日贊
袁文邵	徐如澍	翁方綱	孫士毅	洪梧	姚鼐	胡敏	韋謙恆	邱桂山	阿克敦	金簡	杜兆基
柴模	徐文翰	倉聖脈	孫永清	恆敬	查瑩	胡紹基	英廉	侍朝	阿桂	金士松	周煌

馮集梧	舒赫德	彭紹觀	曹錫寶	張純賢	張能照	張 薰	陸費墀	陳萬青	莫瞻菴	郭長發	海甯
黃瀛元	舒明阿	彭元珌	程景伊	梁國治	張九鐔	張寶傳	陸達塞	陳際新	祥慶	郭寅	海福
黃軒	項家達	莊存與	程晉芳	梁上國	張位	張義年	張敦培	陳塘	章煦	郭晉	常循
黃壽齡	馮應榴	莊承錢	程昌期	曹秀先	張慎和	張 垣	張曾效	陳文樞	陳崇本	郭祚熾	紹言
黃秉元	馮敏昌	莊通敏	程 炎	曹文垣	張 培	張書勳	張曾炳	陳 木	陳昌圖	許兆椿	盛惇崇
黃昌提	馮 培	嵇 璜	彭元瑞	曹 成	張光第	張秉忠	張志楓	陸錫熊	陳昌齊	許 煥	盛文

閔思誠	閔惇大	閔思毅	曾廷樞	曾煥	費振勳
溫常綬	溫汝适	富廉	博良	惠保	準提保
楚維甯	經德	雷純	葉葵	賈鏞	鄒玉藻
鄒炳泰	鄒奕孝	楊昌霖	楊壽楠	楊世綸	楊揆
運昌	瑞保	達椿	董誥	董聯燾	董椿
裘曰修	裘行簡	熊志契	榮安	甄松年	趙秉淵
趙懷玉	裴謙	翟槐	福隆安	福智	福慶
夢吉	敷註禮	廣傳	潘紹觀	潘奕雋	慶明
鄭際唐	劉淳	劉躍雲	劉涓	劉汝蕃	劉統勳
劉綸	劉塘	劉錫祺	劉謹之	劉種之	劉權之
劉校之	劉園南	劉英	劉源溥	劉景岳	蔡新
蔡廷衡	蔡共武	蔡鎮	德保	德昌	德生

德 光 德 明 錢汝誠 錢 傑 錢 樹 錢 斌

錢世錫 蔣謝庭 蔣予蒲 蕭際韶 蕭廣運 蕭九成

盧 應 盧 遂 鮑之鍾 鍾文韞 戴衢亨 戴 震

戴聯奎 戴心亨 戴均元 勵守謙 謝 塈 謝登雋

顏崇瀉 藍應元 羅修源 羅國俊 關 槐 寶光鼎

寶汝翼 嚴 福 饒慶捷 顧宗泰 龔大萬 龔敬身

以上三百六十人中、旗人不及六分之一。任正總裁者八人。任副總裁者一人。任總閱者二人。任提調者六人。任繕書處分校者一人。餘則多任督催、收掌、監造等職。又據乾隆四十七年七月十九日、開列辦理四庫全書在事諸臣職名清單、計得三百六十二人。內有陸費墀、王嘉會、二人係兼職、故其姓名兩見。

問九 歷任館中正副總裁人品如何。

歷任館中正副總裁者、除永瑨、永璇、永理三人、係以皇子資格、加入外。惟和坤、為清代最著名